

## ■ NOS LECTURS RAPPORTAN

## «Las flurs digl atun»

Il 24 da settember ha l'uniun Pro Sagogon purschiu in'excursiun da bulius. Jeu hai gia adina vului intervegnir dapl da bulius e sun vegnida bugen. Nus essan s'entupai sil parcadi sper la scola. Luis Poltera ed Ingrid Meyer han beneventau nus ed informau sur dil program. Nossa excursiun ha entschiet culla part teoretica. Ils treis experts da bulius Fernando Sgier, Lia Heini-Piacentini ed Egmont Heisch han mussau a nus las differentas specias da bulius ed han raquintau sur da quels. Suenter essan nus, circa 20 «entscheviders», vegni reparti in treis gruppas ed essan i per «absolver» la part pratica egl Uaul Grond. La finamira ei stada: buca rimnar aschi bia bulius sco pusseivel, mobein empernder d'enconuscher els. Egl Uaul Grond havein nus viu biaras specias da bulius e nossa experta ha raquintau detagliadamein da mintga buliu che nus havein anflau. Quei di hai jeu viu per l'emprema ga co in buliu tschep

crescha. Quel hai buc jeu anflau, mo tutina hai jeu giu grond plascher. Las duas uras ein idas sco da sgular. Encunter miezdi essan nus tuts serimnai tier Ingrid Meyer pigl aperitiv ed il risot da bulius gustus ch'ella ha cuschinau per nus.

Leu havein nus astgau mirar era enzangei fetg bi. Il di avon l'excursiun han ils experts rimnau las differentas specias da bulius ed han preparau cun bia quitau ina fetg reha e biala exposiziun. Suenter guder la cumpignia essan nus serimnai sper l'exposiziun ed ils experts han referiu a nus da mintga buliu. Cheu hai jeu udiu ch'ins di per bulius «las flurs digl atun» e sai ussa co il buliu octopus (Tintenfischpilz) freda. Alla fin dall'excursiun havein nus survegniu il cudischet da bulius per francar igl udiu. Ils experts han purtau a nus il mund da bulius multifar pli datier ed en lur raquent han ins adina sentiu il respect per la natira.

Svetlana Munderich, Turitg



Ils participants ein stai satisfatgs dalla biala raccolta da bulius.

MAD

## La halla da curling ei venala

La vischnaunca da Flem savess cumprar l'immobilia

■ (anr/abc) La halla da curling da Flem ei venala: Igl object ch'ei vegniun inauguraus avon strusch diesch onns e che haveva custau 12,5 milliuns francs s'accorda buca pli cul concept dil niev proprietari dil Parkhotel Waldhaus. Sco quei che la suprastanza communal da Flem ha orientau vendergis vargau la populaziun ha ella retschert ina offerta per la cumpra dalla halla da curling. La societad Miraselva Immobilien SA porscha quella alla vischnaunca da Flem per in prezi da 3,95 milliuns francs. La halla da curling ei la pli gronda halla per quei sport el Grischun, e tgunsch era la pli enconuscenta ed impurtonta. En connex culla sanaziun finanziaria dalla societad dil Parkhotel Waldhaus fuvu igl object cul num «Waldhaus Arena» danvon. La firma Miraselva Immobilien SA ha cumprau giu ella ensemen cun auters objects, denter auter igl anteriur hotel Bellavista. Gia naven dall'entschatta eis ei stau clar alla societad americana ZCapital Partners, la nova proprietaria dil Parkhotel Waldhaus, ch'ins vegni a seconcentrar sill'incumbensa centrala, numnadamein la hotellaria e buca pli igl administrar immobilias ed organisar occurrenz sportivas. La parcella culla halla da curling ha ina surfatscha da 6500 meters quadrat. Il 27 da november vegn la suprastanza communal da Flem a presentar al pievel la damonda da credit per cumprar la Waldhaus Arena. L'investiziun da 3,95 milliuns francs seigi responsabla, scriva la suprastanza communal. Cun cumprar la halla da curling



La halla da curling da Flem ei en vendita. En quella halla han campiadis sportivs, congress ed occurrenzas grondas liug gl'entir onn.

FOTO A. BEELI

sappi la vischnaunca garantir vinavon ch'ei vegni dau curling en quella halla. La cumpra seigi ina investiziun pil futur, ordeifer la stagiun da curling sappien ins nezegiar la halla per occurrenz e congress da tut gener. La davosa gronda occurrenza da stad ella Waldhaus Arena ei stau il Campiadis svizzer da schah. La halla da curling ei dil reminent liug da ca-

sa dil Club da curling da Flem e colligada stretg cul success dalla squadra dalla campionesa mundiala indigena Binia Felscher-Beeli. Il president dil Club da curling da Flem, Edi Cramer, beneventass fetg l'investiziun dalla vischnaunca da Flem. Ellas proximas jamnas retscheivan ils da Flem in messadi detagliu en quella caussa.

reclama

90 YEARS CELEBRATION

FEIERN SIE MIT UND SICHERN SIE SICH DEN EXKLUSIVEN CELEBRATION BONUS.



Am 26. Oktober 1926 begegneten sich Emil Frey und William Lyons an der Motorradausstellung in London. Eine angeregte Unterhaltung mündete am letzten Ausstellungstag in einem Handschlagvertrag. Emil Frey wurde der weltweit erste Export-Handelspartner von William Lyons, dem Gründer von JAGUAR. Diese erfolgreiche und einzigartige Partnerschaft, die vor 90 Jahren begann, dauert bis heute an und soll gefeiert werden.

Profitieren Sie jetzt von einem sensationellen 90 Years Celebration Bonus. Beim Kauf eines JAGUAR-Neuwagens profitieren Sie von kostenlosen Ausstattungsoptionen (inkl. Winterrädern) im Wert von CHF 3'090.- bis CHF 20'090.-, je nach Modellreihe.

Besuchen Sie Ihren JAGUAR-Fachmann für eine Probefahrt in Ihrem Wunsch-JAGUAR und fragen Sie nach dem Celebration Bonus.

jaguar.ch

THE ART OF PERFORMANCE



4x4 FÜR ALLE MODELLREIHEN ERHÄLTICH

Jeder JAGUAR steht für Stil, Innovation und Performance. Diese wird besonders durch den intelligenten Allradantrieb noch intensiver spürbar. Darum sind erstmals in der ruhmreichen Geschichte von JAGUAR sämtliche Modellreihen auch als 4x4 erhältlich.

Celebration Bonus: Frei wählbare kostenlose Zusatzausstattung bei Neukauf im Wert von CHF 20'090.- für XJ, CHF 3'090.- für F-PACE, CHF 8'090.- für XF, CHF 7'090.- für XE, CHF 12'090.- für F-TYPE (Sondermodell F-TYPE P340 ist von diesem Angebot ausgeschlossen). Gültig für Vertragsabschlüsse und Immatrikulationen vom 8.9.2016 bis 31.3.2017 in der Schweiz.